



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA
QUOD LIBETARIIS DISPUTATIONIBUS
mane discutienda in Scholis Medicorum, die Martis decima-septima
mensis Martii, anno Domini M. DCC. LXXVIII.

M. THEOBALDO NIZON,
Doctore Medico, Præsîde.

*An Satius sit Catheterem in media suæ curvaturæ parte foraminulo utrinque pertundi,
quam versus apicem?*

I.



UB I suppressa mîctio, ibi & admovenda plerumque Chirurgi manus. Undequaque oppugnatur vesica; nunc genuinus urinæ tentatur exitus, nunc aliena lotio sternitur via. Cæteræ methodi rariores, prima frequentior. Ex quolibet metallo, sæpius ex argento, paratur fistula ad medietatem usque recta, cæterum vero recurva. Versus apicem duabus fissuris utrinque laceratur, quibus effluere queant ægri pœnæ. Per urethræ sinum inditur ista fistula oleo prius inuncta, & adusque vesicæ interiora, variis nixibus & tentaminibus, quantum potis est solertissime ducitur. Superatis obicibus, per artificialem ductum pleno rivo profluunt urinæ. Pro re nata catheter extrahitur, vel in vesica relinquitur; identidem tamen

* M. E. C. BOURRU, Autore 1766.

A

educendus & e sordibus eluendus. Hucusque ratio medendi optima, mendosa vero instrumenti fabrica. Cathetere enim mox descripto exhauriuntur quidem limpida, sed lutulenta remanent: leviores proliciuntur lotii partes, gravioribus nectuntur moræ: compefcitur primus seditionis motus, belli fomes non omnino extinguitur.

I I.

DUABUS de causis *specillum tubulatum* immittitur in vesica: vel ut vacua repleatur, vel quod vulgatius, ut plena vacuetur. Ad primum pertinent injectiones, quæ quidem quovis tubulo fieri possunt; secundum spectat urinæ eductio, quæ non itidem omni indiscriminatim cathetere perficitur. Quo modo etenim aquæ lutulentæ, ita & urina. In hac sicut & in cæteris liquoribus, levia sustentatui sunt, gravia demersui. Sic in matulis semper deprehendere est sedimentum arenosum; si ægotantis renes vel organa uropea aliquo morbo laborent, non raro quiddam puriforme. Res ita se habent in vesica urinaria & potissimum in his quibus immisso catheteris vertitur solatio. Isti quotis diebus desides, in lecto resupini cubantes, situm vix mutare queunt, unde & facilius sedimenta infimam partem petere. Maximi tamen momenti istas sordes una cum lotio effluere, saltem si ægrum a plurimis symptomatibus immunem, aliorumve morborum purum præstare velis.

I I I.

FIGURAM infra delineatam intuenti, prima fronte patebit, his omnibus minime prospicere vulgarem fistulam. 1.º Liqueat cathetere versus apicem utrinque fisco, vesicam omnino vacuari non posse. 2.º Non raro observare est apicem catheteris immissi, usque ad fundum vesicæ pertingere, ibi quamdam irrationem procreare, qua quidem irratione fibrarum muscularium vesicæ oritur contractio, rotatim involvitur apex fistulæ, occluduntur fissuræ, ac tunc ne quidem una lotii gutta elici. His in circumstantiis, catheterem pauxillum retrahunt Chirurgi & a fundo vesicæ amoveant, statimque foras protruditur urina. 3.º Tandem nemo est qui non sentiat tubulo vulgari nullatenus exhauriri posse partes lutulentas, puriformes, arenosas, quæ infra fissuras positæ, ideo exire nequeunt, sed in vesica commorare iterum coguntur, donec superata prima morbi causa, retracto cathetere, per solitum iter una cum lotio viam facere possint.

I V.

QUÆ igitur modo recensuimus, nobis meliora suaserunt. Catheter jam non amplius perforetur versus apicem, sed in media suæ curvaturæ parte. Sic omnis periculi succidetur metus. Nulla jam fibrarum vesicæ irritatio aut contractio iter arte paratum occludere valebit: nullæ lotii partes sive turbidæ, sive puriformes in vesica remoram pati. Et quidem nescimus quo fato catheterem versus apicem primi Chirurgi findere tentarunt. Nonne ultro occurrebat nostrum argumentum? Nonne ars æmula naturæ? Optimane hominum parens Natura iter sulcavit urinis versus fundum vel medias vesicæ partes? An qui de exhauriendo cado cogitant, per fundum cadi immittunt tubulum recurvum & ad apicem foratum? Minime quidem. Isti partem vasis declivioris acu petunt, ibique cannulam adaptant, quo artificio facillime tota capacitas una vice exsicceat. Similia igitur nunc facito: & quam vobis monstravit in exoneranda vesica natura viam, hanc in lotio educendo imitemini.

N I H I L est quod sibi lent obrectatores adversus nostram conclusionem. Quod igitur superest temporis, illud impendimus in perpendendis quibuldam quæ ad argumentum attinent.

I.^o Ex variis catheteribus iste potissimum nobis arridet cuius figuram infra delineandam curavimus. Hic ad instar litteræ S figuratur; & hæc est ratio cur iste præ cæteris palmam obtinere videatur. Ubi cathetere *ad medietatem usque recto* utuntur Chirurgi, raro perpeti tractu fertur urina in matulam: sed ut plurimum & imprimis si resupinus æger in sponda jaceat, & sub fine operationis, secundum posteriorem penis partem & perinæum destillat, ægri nates irrigat, totumque lectum conspurcat. Hujus spurcitiei occasio præcidetur nostro instrumento, uti unicuique patet.

II.^o Ne in immittendo tubulo nostro ex rugis urethræ (quod quidem frequentius in senibus) quamdam remoram experiatur Chirurgus, dum istas rugas fissuræ catheteris admittere quirent, in vicem styli metallici, stylum ex balæna fictum anteponendum esse opinamur. Hæc virga balænacea totam fistulæ cavitatem sedulo adimpleat; ora vero vel labia fissurarum sint lævia, & apprime cum stylo connectantur ac jungantur. Et hæc sufficiant de cathetere nostro. Si quæ omisimus, facile supplebit figuræ inspectio.

Ergo Satiis est Cathetrem in media suæ curvaturæ parte foraminulo utrinque pertundi, quam versus apicem.

DOMINI DOCTORES DISPUTATURI.

M. Maria-Zorobabel MUNIER,
Regis in Colonis Orientalibus
nuper Medicus, Domus Regiæ
Invalidorum Ducum & Militum
Medicus a Rege designatus.

M. Joannes - Baptista BAI-
GNERES.

M Benjaminus-Ludovicus LUCAS
DE LAUREMBERT.

M. Deodatus JEANROY, Bi-
bliothecæ Facultatis Præfatus
designatus, e Regia Societate
Medica Parisiensi pro Epide-
miis instituta.

M. Alphonsus-Vincentius-Ludo-
vicus-Antonijs LE ROI.

M. Ludovicus - Guillelmus LE
MONNIER, Consiliarius Me-
dicus Regis ordinarius Prima-
rius, Regiarum Parisiensis,
Lugdunensis ac Berolinensis
Academiarum Socius & in
Horti Regio Botanices Pro-
fessor ac Demonstrator.

M. Claudius - Franciscus DU-
CHANOY.

M. Joannes - Matthæus DE
FRASNE, Rei Herbariæ
Professor designatus.

M. Experientius-Josephus BERTIN,
Supremi Valachia & Molda-
via Principis Medicus, Anti-
quus Regis Exercituum & Cas-
trorum Medicus Primarius,
necnon e Regia Scientiarum
Academia.

Proponet: Parisiis, LUDOVICUS-CAROLUS HALLOT, Lingonensis,
Saluberrimæ Facultatis Parisiensis Baccalaureus Medicus. A. R. S. H. 1778.

A SEXTA AD MERIDIEM.

EXPLICATIO
TABULÆ.

Figura hic apposita designat sectionem vesicæ, prostaticæ, urethræ & glandis, cum Cathetere nostro his in partibus immisso.

A. B. Catheter ad mentem nostram figuratus, olim in A. seu in apice foramine utrinque donatus, nunc vero in C perforandus. B. est rostrum instrumenti.

D. E. F. vesica ex latere secta, cujus F. fundus.

G. Glans penis.

P. Prostata.

U U. Indicant urethræ tramitem.

Lineola *a, b*, expressa fuit, ut pateret cathetere vulgari nusquam posse exhauriri partes urinæ graviores, quæ nimirum infra fissuras catheteris subsident: nostro autem instrumento perquam facillime exsicari omnino posse vesicam.

